

句曉了示現諸慧之義則為大德無數百千
 福不可計相目莊嚴慧不可極便為覆蓋日
 月之光為大勢力於十種力摠持力要斯等
 儔倫則為大雲闡法雷音澍大法雨則能滅
 除一切塵勞先獲第一無為滅度則護生死
 慰除恐懼則為錠明照曜眾冥畏忌魔網則
 為救濟令得自在則為一切眾生之度則處
 佛樹逮得法眼而以得覩諸法無本曉了空
 法建立大哀住無極慈則得親近一切眾生
 皆卑劣乘向于大乘燒諸顛倒懷來平等超
 度名字而舉德号則立道場降伏眾魔於諸
 魔界而得自在則轉法輪詔諸賢聖佛設一
 劫復過一劫咨嗟歎此正士之事不能究竟
 得其邊際功祚巍巍嘉慶如是唯有如來辯
 才具足能歌歎此奉持法者

十九

持心梵天所問經卷第三

及九

棚閣上步庚反重疊下音牒或作日吏下力

邊涯下音宜又錠苦愛苦政杳冥上於曉反
也深也遠範法音也澍注音錠明燈上音掬把也

持心梵天所問經卷第四

及十

西晉三藏法師竺法護譯

等行品第十四

爾時于彼眾會之中有一天子名現不退轉
 白世尊曰何謂奉法遵經典者世尊告曰天
 子欲知奉法遵經典者能崇順諸法是則名
 曰奉遵於法若能崇順一切法者斯則名曰
 奉修於法所以者何其不崇順於諸法者則
 不造法亦無不造有所作者為無所作斯則
 名曰奉修於法若不遵修諸善德者亦無不
 善斯則名曰奉修於法亦無有漏亦無不漏
 亦無有罪亦無不罪亦非世俗亦非度世亦

不有形亦不無形亦非生死亦非滅度亦無所行亦無不行斯則名曰奉修於法若能奉行一切諸法斯則名曰奉修於法無有法想而奉行法斯則名曰奉修於法其自說言吾遵行法不為奉行其奉法者而悉蠲除一切諸法則為奉法其於所行而無所行奉行於

法斯則名曰奉修於法於時現不退轉天子白世尊曰假使大聖而於此中不奉至誠斯等之類不為遵奉不應順法所以者何奉至誠者無有終沒不住生路何所奉行住平等路乃為行耳唯然大聖奉行平等者則無邪法所以者何一切諸法皆悉平等而無殊特

於是持心梵天問現不退轉天子爾為奉行於此行乎答梵天曰吾當奉行假使世尊說二行者便當奉行於二事矣有所行者若所行已則無所行又復梵天吾以奉行離諸二行若若諸法奉行諸法亦復如是道法亦如所修亦如是則名曰奉修法矣又問天子未

曾見斯佛土乎答曰吾未曾見於斯佛土又問豈為不想斯佛土乎無應不應於所見者而無所見答曰梵天今者吾身亦不有想亦不無想無應不應吾以曾見亦未曾見又問天子天子所見為云何乎答曰前未曾見諸賢聖士一切凡夫愚戇之類度諸惡趣亦復

不度如是梵天其平等者則得度矣名曰正見觀未曾見亦無有名亦無所趣則眼不別識耳鼻口身意不別識亦復如是其有所見如無本者其如眼者吾我亦然其無本者則無所見斯平等見

持心梵天所問經授現不退轉天子勸品第十五

及十 二

爾時天帝釋白世尊曰唯天中天猶摩尼珠所入著處則於其處人目觀見珠之光明如是世尊斯諸正士奉行具足無思議法自在所遊普則悉以法寶光明而自恣照輒便修習顯曜真際堪任自由而演辯才其自恣者則於諸法無所倚著不著彼我自恣辯者則

無反耶亦不顛倒常得自在自恣辯者淨於
往古不得當來不見現在自恣辯者信諸不
信度諸不脫自恣辯者攝諸憍慢開化自大
使無異決自恣辯者至令諸魔不得其便有
所聽省超度魔事自恣辯者其諸善法未加
勸者則令興發善法以生進不違忘塵勞若
起便蠲除之塵勞未與令不得生自恣辯者
其諸菩薩未被德鎧便得被之其已被者則
不退轉自恣辯者不斷正法將護正典以是
比例辯才之誼則能降伏一切異學所以者
何計於小獸終不能堪師子之吼見於師子
不能自進何況入窟遊樹間乎如是世尊一
切異學不能堪任演於無上師子之音
於是現不退轉天子問帝釋曰向所云師子
吼何謂拘翼師子吼乎答曰天子其於諸法
不可倚著亦無言說斯則名曰見師子吼都
無所倚言于寂然其有倚著寂然行者師子
之吼為蠶狐鳴見平等處有所說故又復天

及十

三

子爾當復說何謂所說為師子吼天子答曰
拘翼欲知其不倚著於如來者亦無言說何
況其餘異因緣耶是故名法為師子吼奉平
等教曰師子吼說講一品曰師子吼聞有所
說而不恐懼曰師子吼若說經法不起不滅
無有自然曰師子吼處於塵勞而不懷結無
有合會亦無解散說如斯法曰師子吼所以
言曰師子吼者若能專志不計有人而無吾
我一切諸法假冒俗言所以言曰師子吼者
而以專一顯揚空法所以言曰師子吼者口
有所說護于正法所以言曰師子吼者蠲除
一切衆生苦患當成佛道宣暢斯教所以言
曰師子吼者所念財業清淨之本而知止足
讚揚斯教所以言曰師子吼者在於閑居不
釋所行布施之本而造元首為師子吼不捨
禁戒為師子吼等心親友及與怨敵為師子
吼不釋置遠亦無所近為師子吼除諸塵勞
為師子吼等觀智慧為師子吼天子說是師

子吼時三千大千世界六反震動百千妓樂
不鼓自鳴其大光明普照世間及諸天宮百
千天人舉聲歎曰吾等為已於閻浮提再見
法輪轉也用此天子師子吼故爾時世尊尋
即欣笑佛正覺法假使笑時無數色光從佛
口出青黃赤白黑紫紅色照於無量不可計

會諸佛世界靡不周遍上至梵天悉皆覆蔽
日月之明遶身三匝還從頂上入霍然不現
持心梵天即從座起叉手向佛以偈頌曰
諸通慧殊特 普知一切有 皆悉分別了
三世衆生行 隨其所信意 而以慧解脫
其心有超異 一切悉授決 諸聲聞緣覺

悉非是其地 佛慧為若茲 無量持無限
曉了衆生心 何因說所趣 度脫于衆生
殊勝難可當 從意之所樂 善句懷除穢
其光明適出 蔽日月釋梵 通照鐵圍山
億姪諸須彌 願說其旨趣 何因而感欣
瞋態已永除 能仁寂憺怕 慈愍普觀察

及十
四

天上及世間 視佛無厭足 觀體得利安
所因欣笑者 安住說決誼 選擇察諸法
自恣如虛空 若雲霧電焰 虛若聚沫幻
見所有如夢 若如水中月 善哉演說意
何故而欣笑 除一切想見 能仁超度空
諸通慧消穢 常離諸想著 則無三處願

禪定以平等 所以奮光明 唯垂分別說
無文字言辭 不著於音響 安住為說經
不慕衆生法 一一了衆會 欲令曉佛慧
知神足根力 最勝善哉說 佛者為醫王
蠲除一切苦 勇猛御至安 濟愚顛放逸
力勢超鉤鎖 人衆悉歸命 光說人神尊

何因而欣笑 佛告持心梵天見現不退轉天子乎對曰已
見天中天佛言梵天現不退轉天子三十二
不可計阿僧祇劫當得作佛号曰須彌燈王
如來至真等正覺明行成為善逝世間解無
上士道法御天人師為佛世尊世界名善化

劫曰淨歎其佛國土當有二寶以紺瑠璃紫磨金色純菩薩眾降伏魔怨所居屋宅衣食被服當如第六化自在天如來殷勤多所開化於是持心梵天謂現不退轉天子曰如來已為授仁者決答曰如來已為見授決矣猶如無本授無本決及與法界授我之決亦復

及十

五

如是報曰又以本無及與法界則無有決答曰如不授於本無法性之所說決一切菩薩亦復如是不當觀於有所授決又問仁者不從往者正覺淨修梵行分別曉了佛授決乎答曰梵天其無所習斯等儔類乃修梵行又問何謂其無所習乃修梵行答曰其不習于欲界色界及無色界斯等之倫乃修梵行復次梵天無所習居不用我居不習有人不習有壽不習有命斯等之正乃修梵行舉要言之假於諸法不習諸法是乃名曰淨修梵行又問所言淨修梵行為何謂乎答曰淨修梵行不住二道此之謂也又問不住二道為何

所立答曰不住二道則為建立一切法言所以者何無所立者則為賢聖之所遵修而得超度又問遵修何等為道行耶答曰遵修行者不隨於行亦不離行亦復無有行於法者亦復無有離於法者是則名曰遵修道行精順如應又問以何等行而為道行答曰無見

無聞無念無知無教無得亦無造證於一切法而無所行是則名曰遵修道行又問何謂菩薩堅強精進答曰假使菩薩而不見法行有一事亦復不見有若干行是謂菩薩堅強精進被戒德鎧設於法性而無所壞已無所壞則無所近亦不離法亦無所逮不見塵勞亦無結恨是為菩薩第一之行為精進也不舉不下於一切法奉修精進假使梵天無身因緣無口因緣無心因緣是為第一精進之行於是世尊讚現不退轉天子曰善哉善哉如汝所云復告持心如是梵天如今天子之所說者是為第一精進之行其無身行亦無

口行亦無心行佛告梵天吾念過去往古久遠世時一切知節寂寞之德專修精進恭敬奉事處在閑居而學博聞於衆生類而行慈愍以何等行一切遵修暴露精進如來不見授於無上正真道決所以者何坐以任於身口意故爾時梵天如是色像遵修精進此具

六

六

足行如今向者天子所言然於後世見錠光佛所見授決當於來世而成爲佛号曰能仁如來至真等正覺明行成爲善逝世間解無上士道法御天人師号佛世尊是故梵天若使菩薩疾欲受決當以是比遵修精進曉知諸法而無所行梵天問曰何謂世尊而無所行世尊告曰究竟平等正均空無而爲精進何謂究竟平等正均空無而爲精進答曰過去心滅當來未至現在無住其滅盡者則不復起設使獲者無有起相如是住者常無所住其爲法者設使正法平等興者則無所起無所起者便無過去當來現在設使無有去

來今者便爲真淨則無所起是爲梵天究竟平等正均空無而爲精進如是菩薩疾得受決則逮法忍具足衆行佛謂梵天設使菩薩於一切法而無所習則曰布施而不將護一切法者則曰奉戒若不思念一切諸法則曰忍辱而於諸法無所因緣則曰精進而以平

等一切諸法則曰定意於一切法而無所想則曰智慧斯則名曰不造增益亦不損耗無作不作常行布施無所希望護於禁戒而等同像遵修忍辱內外清淨奉行精進具足成就禪定一心悉無所著欽尚智慧而無有想如是忍辱具足行者菩薩備行普現衆行悉

及十

七

無所著已無所著等於世法得利不喜無利不感咨嗟毀咎獲名失稱遭樂遇苦設以值此不動不搖不以增減不喜不感已過世間之所有法不以苦患亦不以惱不以肅震無念不念則無二事離諸因緣趣無二法爲墮二見諸衆生等發於大哀而興已心開化衆

生是為梵天第一精進用獲無我為忍故也
 則向眾生入大悲哀所生之處攝取救護佛
 說是精進行時八千菩薩得不起法忍佛悉
 授決當得無上正真之道皆同一字名曰堅
 強精進如來至真等正覺明行成為善逝世
 間解無上士道法御天人師為佛世尊各各
 興於異佛世界

爾時大迦葉白世尊曰譬如大龍而欲雨時
 雨於大海此諸正士亦復如是天中之天猶
 如大海而興是像放大法雨諸大正士則為
 巨海心亦若斯以真實性而演法雨佛告迦
 葉如爾所言斯諸大龍不以貪嫉而不雨於

閻浮提也用閻浮提天下之地不能堪受大
 雨之滴設使迦葉斯諸大龍而出大雨雨天
 下者令閻浮提郡國縣邑山陵谿谷漂沒求
 盡如漂樹葉以是之故諸大龍王不放大雨
 向閻浮提如是迦葉斯諸正士不惜法雨而
 不為人及眾生類演出法澤又復迦葉若器

堪任應佛法者斯諸正士則設海意覺諸眾
 生如是心念便演法雨譬如迦葉諸龍雨時
 墮諸大滴猶如車軸大海悉受斯之大雨不
 以為足亦無充滿斯諸正士亦復如是若於
 一劫若百千劫聞所說法又於諸法不增不
 減不以為滿譬如迦葉又於大海處處諸水

萬川四流歸於海者合為一味鹹若如鹽斯
 諸正士若干音聲各演異教而令聞法適省
 聽已悉歸一誼為解脫味趣空無味譬如迦
 葉大海之中而有清淨無垢之寶鮮潔無瑕
 則以不受不時之水而不受穢斯諸正士亦
 復如是清淨無垢不受一切結恨懈厭瞋怒

之瑕譬如迦葉大海之中而極幽深難得其
 底邊際難限斯諸正士亦復如是所了聖慧
 而其遠遠心入玄妙幽奧難量聲聞緣覺所
 不能及譬如迦葉大海之中畜無央數不可
 計水斯諸正士亦復如是積聚種殖不可限
 量智度無極合會諸法故喻大海如是色像

則曰正士譬如迦葉大海之中積累無量若干種寶斯諸正士亦復如是以若干教無量法寶自然充滿譬如迦葉大海之中有三部寶真身之寶清水之寶為財業寶斯諸正士亦復如是說經法時從人根原心所應脫而今得度得聲聞乘或緣覺乘或至大乘譬如

迦葉大海之中稍廣大水漸漸流入轉成深廣菩薩如是志諸通慧行諸通慧漸得成就於大聖道譬如迦葉大海之中不受死屍不與同處斯諸正士亦復如是不習聲聞緣覺之心不與同歸不與貪嫉毀戒結恨懈厭瞋恚心者而與同歸不與懈廢亂意惡智所行

心者而同歸也不與吾我人壽命見者遊居譬如迦葉若火災變消竭川流大江淵池悉已枯涸然後大海乃盡無餘如是迦葉流布正法普諸土地先以加施行習正法然後施於海意眾覺諸正士等正法歸之又復迦葉斯諸正士寧棄身命不捨正法諸正士黨流

及十

九

布正法不當復為造如茲觀譬如大海有如意珠名曰金剛諸寶等集踊出七日上至梵天而悉燒化及諸世界三千大千佛土悉盡無餘乃至他方佛言迦葉其如意珠詣異世界當見燒壞未之有也如是迦葉斯諸正士盡一切法興顯發起於七正法令世依怙便

復遊至他方佛土何謂為七諸外異道隨親惡友隨邪見行轉相賊害受隨諸見壞諸德本不得等時是為興顯發起於此七法斯諸正士為如應器見眾生本遊彼佛國不離諸佛常見正覺聽聞經典勸化眾生殖眾德本譬如迦葉無央數人含血之類依于大海遊居其中菩薩如是無央數人眾庶之類悉來集會而依倚之遊居同歸歸於三趣何謂為三生於天上具足人間成就滅度譬如迦葉大海之中龍阿須倫而得自在斯諸正士亦復如是普悉降伏一切魔眾於是耆年大迦葉啓問世尊唯天中天計於大海尚可量盡

竭極邊際斯諸正士不可限量得其涯底世
尊報曰迦葉欲知三千大千世界之中所有
諸塵尚可數知斯諸正士至真之行不可思
議究所歸趣

於時世尊說此頌曰

猶如大海一切之水而悉受之不以馱足

志求法者亦復如斯好樂正典不以充滿

猶如大海受無量水悉來歸之而不拒逆

聰達之等亦復如斯不以智慧而為具足

大海不惡汗濁之潦其諸清流亦復歸趣

遵修行者亦復如是而不受諸塵勞垢穢

猶如大海不可限量極廣弘遠不可卒知

智慧德海亦復如是衆生庶人無能解暢

大海之中若干歸湊萬川四流合為一味

若干種人會來聽法悉歸一乘同誼之典

非一品類号曰為海前者成海而德建立

無所畏者志願如茲昔為衆生而興道意

譬如大海衆寶積聚則在於彼而無所著

又十

十

諸菩薩衆亦如積珍而以顯發成于三寶
猶如江海而有三寶雖爾其海亦無想念
羣聖達士說法如斯則以三乘開導衆生
猶如江海稍漸廣大衆流悉歸而得充滿
諸菩薩衆志諸通慧用衆生故常遵修行
猶如大海不受死屍其海之法則為如斯

建志菩薩求道如是不將順身不與同歸

猶如海中而生衆寶須彌為妙處立堅固

劫燒起時終不能焚便則超遊異佛世界

正法滅時亦復如是強精進者而攬持之

已觀察見無任器者便即往詣他方佛所

谿谷江河衆原枯竭然後海水乃為消涸

劫燒起時則為若茲大千世界悉亦崩毀

凡夫之衆行在國土假使正法已沒盡者

勇猛之徒護法如斯朽棄軀體不惜壽命

已覺正法欲消滅盡正覺現在若滅度後

斯等志性清淨如是建立法者所當遵修

如億衆生依因大海非一品故而有斯是

其大名稱 志願如是 一切衆生 心普得解
 尚可限量 分別知之 於佛世界 諸有大海
 斯等所行 不可別知 緣覺之衆 及諸聲聞
 無有等倫 沉復出表 諸菩薩行 堅強精進
 心如是者 宜為替首 當得佛道 開度衆生
 斯為衆寶 譬若巨海 當供養此 常福德田
 此為良工 上妙醫王 療治一切 諸疹疾者
 便為救濟 受歸度脫 將護鎧錠 為顯光明
 於闇昧世 與明徹眼 其得眼者 進成甘露
 則為帝王 常白法王 斯為天帝 多思利誼
 亦為梵皇 思惟四禪 則便轉於 正法之輪
 斯則導師 開示塗路 處在諍訟 為現蹊徑
 則為勇猛 多所降伏 獨除諸塵 為清淨士
 遵清白法 如月盛滿 演放光明 猶如日出
 智慧超卓 如須彌山 處於三界 為兩甘露
 斯等難當 猶如師子 其心調柔 譬如賢象
 若如大地 載諸山陵 降伏一切 諸外異學
 行常鮮潔 譬若如水 威曜難當 其苦如火

無所罣礙 猶若如風 以離懈廢 又若如地
 斯等棄慢 拔馱瞋恚 為如藥樹 無有想念
 其戒清淨 無著蓮華 於世八法 無所依倚
 所行譬如 優曇鉢華 無數億劫 音聲難致
 於諸人尊 則有反復 為住佛教 不斷正典
 志願堅強 為懷愍哀 遵固慈心 喜悅超絕
 則已救護 於五色欲 善求合會 最勝財業
 斯等布施 而有殊特 所奉禁戒 則無等倫
 以忍辱力 秉意勇猛 精進解達 常不厭倦
 斯等禪定 神足通慧 往至佛土 無量億劫
 得見諸佛 逮聞經典 如其所聞 則便習持
 則能暢了 衆生所行 隨其所應 所信諸根
 安隱諦學 善權方便 則為外道 顯示證明
 便能通辯 一切諸法 僉然和同 分別報應
 而能解了 因緣法律 離吾我見 常在平等
 便以觀察 如應順法 則為曾更 出家學矣
 過去當來 一切諸法 已住於法 綜了法性
 敏識空慧 而無有形 則能興發 差特矜哀

便能攝護 勤苦眾生 遵修解脫 所當行者
 計有吾我 而有妄想 愚駭所行 隨邪放逸
 斯等曉練 虛偽之法 而則講說 蠲除諸見
 無常為常 空謂為實 以苦為樂 非身謂身
 凡夫之士 攝取顛倒 而不分別 生死之際
 若能整理 攝顛倒原 則知無人 無壽無命

及十

十二

已能淨修 平等行者 則曉非常 苦空非身
 迦葉斯等 名稱功德 所趣御之 猶如治地
 令聞無量 慧不可限 若能遵修 菩薩亦然
 設使周滿 三千世界 悉以敬侍 建志菩薩
 供養羅漢 復倍是數 終不能及 建菩薩志
 吾亦建立 斯等之類 過去正覺 當來如是

又今現在 十方聖尊 為諸建志 欲得佛者
 持心梵天所問經 立法品第十六
 於是持心梵天問溥首童真曰 願勸如來至
 真等正覺 令此經典 於後末世 五濁俗時 建
 立流演 溥首答曰 於梵天意 所趣云 何如來
 豈為頌宣 申暢於此 法乎 欲令如來 建立法

耶報曰 不也是故 梵天一切諸法 無所建立
 亦無有念 亦無言說 亦無流演 亦無所護 其
 欲建立 斯經典者 則為欲成立 虛空矣 設使
 菩薩歸趣 斯典 非為順法 菩薩普入一切徑
 路 而無諍訟 又菩薩者 於諸眾會 假現名耳
 說經法者 則當如 茲不為聽經 所以者 何無

所聞者 乃為聽經

又問溥首 此為何謂 無所聞者 為聽經乎 答
 曰 眼耳鼻口身意 無所流聞 乃為聽經 其有
 染汙於諸入者 則無所聞 便在於色聲香味
 細滑欲法 斯等聽經 則為虛妄 時眾會中 諸
 天子眾 三萬二千 比丘五百 比丘尼三百 清

及十

十三

信士八百 清信女 斯等咸聞 溥首之所說法
 應時 逮得不起法 忍各各舉聲 而歌頌曰
 如是溥首 誠如所云 無所聞者 乃為聽經
 持心梵天問 諸得法 忍菩薩曰 卿族姓子 豈
 為得聞 此經典乎 答曰 已聞 梵天無所聞 故
 又問 賢者云 何曉了 斯經典乎 答曰 如無所

知無所不知又問賢者為何所獲逮法忍乎
答曰逮一切法又問當以何緣歸趣法乎答
曰無所至者則歸趣法又問諸賢現在目觀
法乎答曰梵天於一切法現在已身眾生志
性皆為常淨

時衆會中有一天子名離垢英問持心曰假
使梵天若得聽聞斯經法者如來則為授決
處乎答曰輒便授決當得無上正真之道所
以者何其法典者則為亡失報應之果積累
一切衆德之法便降伏魔及與怨讎斯經典
者尋離一切貪欲之諍多所勸化而令喜悅
設有信樂斯經典者心懷欣豫而諦執持則
獲賢聖平等究竟而善執持斯經典者一切
諸佛加威護之設天上世間諸天人民阿須
倫而專志向斯經典者得不退轉不見侵欺
又斯經典至千道場惠施真諦誦習佛法其
有不學則為斷絕於正法輪又斯經法決諸
狐疑至賢聖道諦聽經典至解脫故諦持經

典欲執御故說諦經典用福慶故善護經典
好法訓故加施安隱為經典者歸滅度故不
斷絕經典壞魔異學故當曉歸命於斯經典
衆祐無著故斯經典者多所悅喜明達法故
斯經典者多所踊躍為慧解故斯經典者御
智慧音除一切見所歸趣故斯經典者為道

慧響壞愚冥故斯經典者為善應順隨其所
入故斯經典者善究竟成次第美辭故斯經
典者分別誼理說第一故不捨經誼不獲聖
慧斯經典者則為帑藏給諸虛匱無有惱熱
濟衆盛暑等諸音響平等為食遵修慈心樂
為禪定積累精進為諸懈怠以禪定意濟諸

及十

十四

亂意則以光曜照諸邪智梵天欲知斯則建
立於經典矣一切諸佛之所將護時天子說
此經典功德所訓時三千大千世界六反震
動世尊讚彼天子曰善哉善哉如爾所言會
於是持心梵天白世尊曰今此天子本昔曾
聞斯經典乎為從過去如來至真等正覺啓

受之耶

佛告梵天斯天子者從六十四億諸佛所悉得聽聞又告持心離垢英身過四十萬劫當得作佛号寶焰如來至真等正覺明行成爲善逝世間解無上士道法御天人師爲佛衆祐世界曰寶跡其於中間諸佛世尊所興起

者悉供養之當復得聞於斯經典梵天欲知此諸比丘比丘尼清信士清信女天龍鬼神捷沓和應斯經典逮法忍者皆當生彼寶焰佛之國土而現在於寶跡世界

於時離垢英天子白世尊曰今我坦然不逮求道亦不願道設不欣樂於佛道者亦無所

依亦不得道無所想念何故世尊而授我決大聖告曰天子知之如以草木莖節枝葉華實著於火中若有人來而與之言勿燒草木莖節枝葉華實令火不焚未之有也不用彼言而不焦燒如是天子假使菩薩不悅樂道無所依倚志不建立亦不願羨一切諸佛則

及十

十五

爲授決設使天子若有菩薩不志樂道無所依倚無所建立無所僥願無所得者斯等菩薩乃爲如來所見授決當得無上正真之道爾時會中五百菩薩白世尊曰余等不建立道無所志願亦無所得無所欣樂無所依倚無所思念無所想執

時諸菩薩承佛聖旨察虛空中觀於上方八萬四千佛斯諸如來悉授其決當成無上正真之道彼菩薩等白世尊曰至未曾有天中之天如來善說快乃若茲其於道法無所欣樂無所依倚無所建立無所志願無所得者乃爲如來而見授決唯然世尊吾等今見上方去此八萬四千諸佛國土又斯諸佛授我等決當成無上正真之道

持心梵天所問經諸天歎品第十七
於是溥首童真白世尊曰唯願如來至真等正覺建立是法使於未後五濁之世流布天下在閻浮提斯等則爲被大德鎧以三品事

致耳聞之若族姓子族姓女設使興立魔因緣者不隨其教魔及官屬不得其便以能受此經典要者不退不轉至於無上正真之道佛告溥首善聽思念斯經典者則當久存天龍鬼神捷沓和又有神呪名曰選擇當分別說神呪句義所揔持者其有法師族姓子族

姓女則得救護為天龍鬼神捷沓和阿須倫迦留羅真陀羅摩睺勒之所救護若族姓子若行徑路若在閑居若處屋宇若住房舍經行思惟若在眾會順義憺怕執持辯才尋隨方便志於堅強力勢超異然家眾賊不得其便彼輒如是寂然經行坐起卧寐如斯溥首

号曰神呪之句說也

優頭犁 頭頭犁 末迦 遮迦 彌離
掃離 掃隸 彌隸 睺樓 音短 睺樓 音長 睺
留 音氏 伊拔 嚧 鐸拔 嚧 丘丘離 佉羅
祇 阿那提 無有 揭提 初往 摩醯 無心
摩奈夷 念所 摩妳 意有 袍捷提 香多 薩披

及

十六

磧砂大藏經

持心梵天所問經

卅

第三十册

提 音一 膈披婆渴提 離於 新頭隸 為師

南無佛檀 佛音 遮栗提 行所 南無曇 法音

睺偈 除害 南無僧 聖音 披醯多 御 菩波

扇陀 然 薩披披 諸惡 彌多羅彌浮提儔

修實 薩遮尼陀耶 現示 披羅摩那 志

波世多 化教 利夷 山神 波世多 車開 阿致單

提 無現 陸陀浮陀伽羅呵 持攝 南無佛

陀悉蟬提曼陀鉢 說首佛所

佛語溥首童真是為神呪之句設有菩薩遵

修奉行此經典者則以安詳尋後將護而不

卒暴靡有亂心其行清淨造次第行而知止

足卧寐寂寞樂於憺怕不習多事身心寂靜

樂于慈哀樂於法樂建立誠諦無所侵欺存

在獨處精進說法思惟專精樂于道義棄捐

除去非義之念限節燕處以為娛樂則以獲

致為他人說向於法門現于終始親及怨仇

等心加之棄眾想念不惜身命能觀眾業所

行具足樂護禁戒多修忍力而無麁言面目

和悅離於憔悴無惡顏色先人談言問訊恭
恪棄捐嫉懶樂善柔輒所遊居安是為溥首
建立行者族姓子諷誦斯呪其族姓子見法
師者現獲十力何謂為十已逮心力未曾忘
捨至於意力曉了所念所至力者所入經典
無不解達堅固之力行在生死慙愧之力彼

及十

十七

等悉護博聞之力具足智慧摠持之力所聞
悉攬辯才之力佛所建立而得擁護深法之
力逮得五通不起法忍力具諸通慧佛語溥
首若有法師建立是法諷誦奉持則當逮得
此十種力

佛說於此神呪力業所行術時其四天王驚
悸毛豎與無央數百千鬼神眷屬圍繞往詣
佛所稽首佛足白世尊曰我之枝黨則奉佛
教獲通流跡又我等身各有眷屬將詣族姓
子族姓女為法師者若講說法護斯經典奉
勸受持諷誦讀者四天當往將護使得安隱
若在郡國縣邑州城大邦居家出家我四天

王與其眷屬當擁護此族姓男女供侍奉事
令得安隱無危害者亦無伺求得其便者若
斯經典所可流布國土處所當令宿衛面四
十里諸天龍神鳩桓眷屬子孫無得其便
爾時拘維羅大天王說此頌曰
我所有眷屬 諸子及宗親 吾能順堪任

供奉此聰達

時惟樓勒大天王則說頌曰

吾為法王子 以法而化成

供養諸佛子

奉建道意者

提頭賴大天王即說頌曰

則當為將護 普周遍十方

其有持斯典

佛正覺所說

惟沙門大天王即說頌曰

若建立道心 供養彼學者

衆生緣供養

不任報其恩

於時息意大天王有太子名曰諦願以七寶

蓋奉上如來尋說頌曰

今我當受斯
人心之志性
如意之所建
莫能觀尊顏
正覺唯采眄
哀眼觀衆庶

如來之經典
世尊知我心
於世當成佛
願我逮如是
世尊垂慈心
世尊則授決

輒為他人說
曉了宿世行
今奉正覺蓋
無見頂相者
清淨目瞭察
智慧度彼岸

於是壽終後
見彌勒最勝
彼則出家已
普見一切佛
訖六十億劫
佛土号莊嚴

則生兜術天
當於二萬歲
淨修于梵行
皆悉供養已
當得成正覺
純悉諸菩薩

兜術天上歿
供養佛乃至
便於賢劫中
淨修梵行竟
作佛名寶蓋
常當講妙法

其命壽一劫

佛滅度之後

愍傷衆生故

正法住半劫
於是釋提桓
因與無央數百千人眷屬圍
達白世尊曰我當擁護於斯法師持此典者
供養奉事而順其志其誦說經吾當故往咨
受斯法當令法師勢力強盛辯才次第演說

如流使無躓礙而不遺漏
爾時帝釋太子名曰瞿或七寶瓔珞奉進如
來說此頌曰
世尊我目覩
志慕求佛慧
我當學斯教

如來之所行
古世之所行
布惠諸所有
亦為受斯經

然從法王得
平等以時節
奉侍佛道故
我當護正法
決斷諸天疑
於時尊授決

數數每講說
與此經典俱
唯聲聞不任
調御於來世
吾身當又如
明達諸通慧

如今觀佛身
當為世光明
於是梵忍天子白世尊曰唯然大聖捨於禪
行則當往詣族姓子族姓女而聽說法若說
此經多所降伏釋梵諸天我能堪任供養奉
事斯族姓子天上世間諸天人民悉當加敬

行億千劫中
号曰慧成就
若復暨百姪

而奉事之時梵忍天說此頌曰

其執持此經 比丘比丘尼 清信士及女

則為普濟世 若習斯典者 歎誅諸至誠

吾唯能堪任 講說於是經 敷華當重疊

上至于梵天 以為法座上 今說斯經法

于彼譽揚聲 善哉所造說 然於後末世

若手執此經 正使億國土 令滿其中火

則當往詣彼 求逮聞斯典 積寶如須彌

以此寶施與 因得聞是經 嚴淨于佛土

持心梵天所問經囑累器第十八

爾時世尊即如其像而出頂光便現神足感

魔彼旬與諸兵眾往詣佛所白世尊曰吾與

眷屬於如來前而自約盟若斯經典所統布

處諸邦國土而有法師敷陳經典宣于法會

又吾身普益當加護令得暢達不與危害

於是世尊紫金色光普照佛土告薄首曰如

來已為建立斯典并及將護持斯法者加以

慈恩流布天下閻浮提城至竟正法不為毀

滅于時眾會普持雜華一切名香雜香擣末
散如來上各歎斯言當今此法而得久住於
閻浮提當今弘普靡不周接

爾時世尊告賢者阿難曰當受斯經應曰唯
願奉持佛言阿難斯經悉顯至于天上用受
持故當為眾會而分別說

賢者阿難白世尊曰其有受持斯經典者若
諷誦讀為他人說其福如何世尊報曰假使
以寶普用周遍滿於虛空以布施者當知其
有案如文句說此經典則普供養如來至真
及與聖眾一切施安若復有人受斯經典書
著竹帛執持供養其人現在獲得十藏何謂

及十

二十

為十見佛之藏逮得天眼聞法之藏獲致天
耳聖眾之藏得不退轉菩薩聖賢無盡寶藏
逮致寶掌像色之藏則得具相眷屬之藏營
從不散無間寶藏逮得惣持志念之藏逮得
辯才無畏之藏攝諸異學功德之藏眾生前
仰聖慧之藏普獲一切諸佛之法

